

ՀՈՒՇԱԳԻՐ

«ԵՐԵՎԱՆԻ ԶԲՈՍԱՇՐՋՈՒԹՅԱՆ, ՍՊԱՍԱՐԿՄԱՆ ԵՎ ՄՆՆԴԻ ԱՐԴՅՈՒՆԱԲԵՐՈՒԹՅԱՆ ՀԱՅ-ՀՈՒՆԱԿԱՆ ՊԵՏԱԿԱՆ ՔՈԼԵՋ» ԵՎ «ՎԱՐԴԵՆԻՍԻ ԲԺՇԿԱ-ՀՈՒՄԱՆԻՏԱՐ ՔՈԼԵՋ» ՍՊԸ-Ի ՓՈԽՀԱՄԱԳՈՐԾԱԿՑՈՒԹՅԱՆ ՄԱՍԻՆ

Ք. Երևան

12.12.2023թ.

«Երևանի զբոսաշրջության, սպասարկման և սննդի արդյունաբերության հայ-հունական պետական քոլեջ» ՊՈԱԿ-ը և «Վարդենիսի բժշկա-հումանիտար քոլեջ» ՍՊԸ (այսուհետ՝ Կողմեր)-ն, ղեկավարվելով երկու կողմերի միջև կապերն ամրապնդելու և զարգացնելու փոխադարձ համաձայնությամբ, ցանկանալով զարգացնել երկկողմ հարաբերություններ կրթության ոլորտում, հաշվի առնելով, որ տեղեկատվության և փորձի փոխանակման համագործակցությունն առաջացրել է փոխադարձ հետաքրքրություն, համաձայնեցին Կողմերի միջև կնքել Հուշագիր:

1. ՀՈՒՇԱԳՐԻ ՆՊԱՏԱԿԸ

- 1.1 Կողմերը, սույն Հուշագրի համաձայն, համագործակցում են կրթության ոլորտում՝ իրենց իրավասության շրջանակներում:
- 1.2 Սույն հուշագրի նպատակն է պահպանել, կատարելագործել և խթանել ոլորտի զարգացումը:

2. ՀԱՄԱԳՈՐԾԱԿՑՈՒԹՅԱՆ ՈԼՈՐՏՆԵՐ

- 2.1 Մշակել, իրականացնել համալիր միջոցառումներ:
- 2.2 Փոխանակել ոլորտին վերաբերող պարբերականներ, հրատարակություններ և այլ նյութեր:
- 2.3 Փոխանակվել ոլորտին վերաբերող սեմինարների, կոնֆերանսների և այլ միջոցառումների վերաբերյալ տեղեկատվությամբ:
- 2.4 Կողմերը, տարբեր միջոցառումների, ծրագրերի, դասընթացների մասնակցելու, տեղեկատվության փոխանակման, գործնական աշխատանքների անցկացման միջոցով, կնպաստեն համագործակցության ընդլայնմանը:
- 2.5 Կողմերը պատրաստակամություն են հայտնում համատեղ իրականացնել տեղեկատվական-վերլուծական, խորհրդատվական գործունեություն, համագործակցել

ցանկացած այլ գործունեության ոլորտում, որը Կողմերի միջև կառաջացնի փոխադարձ հետաքրքրություն:

3. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆԵՐԸ

- 3.1 Սույն Հուշագիրն ուժի մեջ կմտնի ստորագրման օրվանից և կգործի անժամկետ:
- 3.2 Սույն Հուշագիրը կարող է փոփոխվել Կողմերի փոխադարձ գրավոր համաձայնությամբ:
- 3.3 Կողմերից յուրաքանչյուրը կարող է Հուշագրի գործողությունը դադարեցնել մյուս կողմին նախապես (գրավոր) զգուշացնելով:
- 3.4 Սույն Հուշագրի գործողության դադարեցումը չի խոչընդոտում Կողմերի կողմից Հուշագրի դրույթների իրականացման նպատակով համաձայնեցված այն նախագծերի և ծրագրերի կատարմանը, որոնք չեն ավարտվել Հուշագրի դադարեցման պահին:

4. ԵԶՐԱՓԱԿԻՉ ԴՐՈՒՅԹՆԵՐ

- 4.1 Սույն Հուշագիրը ստորագրվում է հավասարազոր 2 օրինակից ՀՀ պետական լեզվով՝ հայերենով:
- 4.2 Սույն Հուշագրի շրջանակներում Կողմերի հարաբերությունները կարգավորվում են փոխադարձ համաձայնությամբ:

<p>«Երևանի զբոսաշրջության, սպասարկման և սննդի արդյունաբերության հայ-հունական պետական քոլեջ» ՊՈԱԿ</p> <p>ՀՎՀՀ 02232723 ՀՀ, ք. Երևան 0026, Արշակունյաց 40 Հեռ.՝ 010 44 07 32 010 44 14 03</p> <p>Տնօրեն՝  Ա. Ղազարյան</p>	<p>«Վարդենիսի բժշկա-հումանիտար քոլեջ» ՍՊԸ</p> <p>ՀՎՀՀ ՀՀ, Գեղարքունիքի մարզ, Վարդենիս Համբարձումյան փող., 19 շենք Հեռ.՝ +374-98-707008 +374-77-261201</p> <p>Տնօրեն՝  Գ. Գասպարյան</p>
---	---